



### ԱՆՄՈՒԱՆԱԼԻ ՀԻՇԱՏԱԿՆԵՐ

Սեպտեմբերի 27, կիրակի: Ս. Էջմիածին կղտնվիմ: Տաճարին խորհրդասքող կամարներուն ներքև աստվածային պաշտամունք կկատարվի: Հավատացյալներու հոծ բազմութիւն մը լեցուցած է հինավուրց Կաթողիկէն: Իսկ դուրսը՝ ընդարձակ բակը և պարտեզները նույնպէս կհորդին ժողովուրդով: Բարձր ծառերուն շուքին ներքև, բակի սալահատակին վրա և կաթողիկոսներու դամբարանին մոտ ուխտավորներ զվարթորեն շուրջպար կդառնան: Տեղ-տեղ երիտասարդներ խմբված եռանդազին ծափ կզարնեն գինիին արբշիռ կայտողներուն: Մամիկներ մատաղ կպատրաստեն, ու շարաճճի փոքրիկներ դեռ չեփած զայն կճաշակեն: Երգ ու պարերգ, ծափ ու ծափողջույն, սրինգ, թառ ու թմբուկ կթնդացնեն մթնուրարը:

Հայ ժողովուրդը իր ցնծատունը կապրի: Ամենայն Հայոց Հայրապետի անվանակոչութեան տոնախմբութիւնն է:

Բայց ես ինձի հարց կուտամ. «Կրօնական ցնծերգին հետ, ինչու աշխարհիկ խրախճանքը ժողովուրդին»: Ու ատոր պատասխանը. «Վանքումը մկրտում են, վանքումը պսակում են, վանքումը թաղում են, վանքումը քեֆ են անում, վանքումը լաց են լինում. վանքն է նրանց ամբողջական կյանքի արտահայտիչը»:

Կհնչեն Տաճարին զանգակները քաղցր ներդաշնակութեամբ: Պարերը կզազրին ու աշխարհախումբ բազմութիւնը կհորդի զբալի Վեհարանի դուռը: Ժողովուրդի ալիքը հետըզհետե կաճի՝ կուտի՝...

Վեհափառ Հայրապետը եկեղեցի է իջնում:

Վեհարանի դռնն մինչև իր Աթոռը՝ բարենկեց մը միայն. երկու բոպէ կբալն կտրելու այդ միջոցը. բայց... չիք անցք: Խոնաված են հավատացյալները. ոմանք, ծառերուն

վրա բարձրացած, ոմանք պատշգամներու և աստիճաններու. իսկ ոմանք ալ ծունկի եկած են, ու ինչպիսի՜ հոգեկան երանութեան մեջ պիտի ըլլան, եթէ իրենց շրթունքները կըրնան հպեցնել Սրբազան Հայրապետի փեշերուն: Շնորհազարդ Վեհը նոր վերադարձած է օդափոխութենէն. Հայոց աշխարհի հավատացյալները երկու ամիսն ի վեր կարոտով կսպասեն իր օրհնենքին: Ու հիմա հոս է ան. եկեղեցի կիջնէ. պետք է մոտենալ անոր, համբուրել իր Ս. Աջը, փեշերը: Հավատացյալներ ավելի կխոնավին, ավելի կկուտակվին: Իզուր եկեղեցականներ և շաթիրներ կջանան ճանապարհ բանալ: Ո՞վ կարող է արգիլել ժողովուրդի զեղուն հավատքին հորդումը: Ու ձայներ շրթներեն օդին մեջ.

— Երկա՛ր կյանք մեր ալեփառ Հայրապետին:

— Հողո՛ւղ մեռնեմ, Վեհափա՛ռ:

— Թո՛ղք ինձ, նրա օրհնութիւնը ստանամ:

— Բաք՛վից եմ եկել, ուզում եմ նրա Աջը համբուրել:

Ու ամբոխը ծով է կոհակամաման:

Բոպենքը կսահին... վերջապէս կհասնինք Տաճար: Վեհը կբազմի իր Աթոռին վրա:

Կշարունակվի հայոց սուրբ պատարագը: Հազիվ մատուցող և դպիրք կարող են գիրար լսել: Հսկա Տաճարը խոնված է ամեն հասակի հավատացյալներով. շարժելիք տեղ չկա: Ոմանց շրթներեն մաղթանք ու աղոթք կբարձրանան առ Աստված, ոմանց՝ երգ: Ոմանք կաշխատին ճամբա բանալ, որպէսզի մոտենան Հայրապետական Աթոռին՝ Նորին Ս. Օծովեան օրհնութիւնը ընդունելու իսկ երեխաներու կանչը, դպրաց օրհներգութեան հետ, խորհրդավոր Վեհավարին մեջ կստեղծեն աններդաշնակութիւն մը, որ ինձ համար այդ պահուն կհանդիսանա գերագույն ներ-

դաշնակալությունը, որովհետև երեխային մինչև ծերունին, իր ապրումին համաձայն, իր Հայրապետին առաջ և իր հայրապետներու ոգեղեն ներկայության մեջ, կաղոթե Ամենակալ Հոր:

պատվանդանին երկարած, որպեսզի ուխտավորները համբուրեն: Բայց անոնք կխուժեն ուժգնորեն...: Այդ պահուն ահա հանկարծ քանի մը երիտասարդներ, եկեղեցականներու և շաթիրներու օգնությամբ, կձեռքեն հավա-



Գերաշնորհ Տ. Դերենիկ Լալիսկոպոս Փոլատյանը Երևանի Կոնդի Ս. Հովնանենս եկեղեցում, պատարագից հետո:

Աստվածային պաշտամունքը կավարտի: Վեհը հազիվ իր օրհնությունը տված հավատացյալներուն, ահա հորդագիտ խուժում մը իր անձին վրա: Եկեղեցականներու օգնությամբ Վեհը կբաղմի Հայրապետական դահին վրա, ձեռքերը անոր ամպհովանիին

տացյալներու կուտակվող բազմությունն ու Տաճարի հյուսիսային դռնին Վեհարան կառաջնորդեն Հայրապետը:

Հավատքի նման պոռթկման ժողովուրդի կողմե քիչ անդամ ահանատես եղած եմ: Դուրս կելլեմ Վեհարանեն, որուն արտաքին

դռան մուտքին առջև հավատացյալներու հոծ բազմութիւն մը, ամեն սեռն և տարիքն, անասելի ջերմեռանդ զգացումով մը, կսպասե, որ ներս մտնե Վեհին օրհնութիւնը ստանալու: Մինչ կուղղվիմ դեպի Տաճար, բազմութեան մեջն մեկը, կարծելով, որ էջմիածնի միաբաններն են, թախանձագին կխընդրե ինձմե, որ Վեհարան առաջնորդեմ զինք, որպեսզի Սրբազնագույն Հայրապետին Աջը համբուրե:

— Նոր-Նախիջևանից եմ եկել, խնդրում եմ:  
 — Ի՛նչ անեմ, ես էլ Կիլիկիայից եմ եկել, — կըսեմ ու կմտնեմ Կաթողիկէն ներս:

\*\*\*

Մկրտութեան խորհուրդը կկատարվի: Քահանա մը հագիվ ատեն կունենա երեխաները ջուրին մեջ ընկղմելու, ուրիշ մը՝ զանոնք մշտտնելու, իսկ երրորդ մը՝ Ս. Հաղորդութիւն տալու:

Ու Վեհալայրեն ներս ամեն կողմ ձայններ...

— Տեր հա՛յր, հեռու տեղից եմ եկել, նախ ի՛մ երեխայիս մկրտիր:

— Ավտոն սպասում է, տեր հա՛յր, պետք է դնամ, մշտտն քսիր երեխայիս:

— Մի՛ լա, բալա ջա՛ն, սպասի՛ր:

Քահանաներ հոգնած են. քրտինքը կհոսի իրենց ձակատներն շուրջառներուն վրա: Ու երկարորեն կշարունակվի այդ սրբազան գործողութիւնը:

Այդ օր Ս. էջմիածնի Տաճարին մեջ 230 մկրտութիւն տեղի ունեցավ:

\*\*\*

Ավագ սեղանի բեմին վրա երկու եկեղեցական ծնրադրած են. երկուքն ալ պար-

տասած երևույթ մը ունին: Փրկչին Ս. Մարմինն ու Արյունն կհաղորդեն ժողովուրդը: Սրբութեան ճաշակումը պատարագի վերջավորութեան սկսած է. մոտ երկու ժամ անցնել է, ու դեռ սրբագործված հացն ու գինին կմատակարարվին հայ հավատացյալներուն: Կհատնի սրբութիւնը, բայց ո՛չ՝ զայն ճաշակողները: Հայ հոգիներ հավերժական Կաթողիկէին մեջ Հավերժը կընդունին, Հավերժին հետ ապրելու:

Տաճարին կեդրոնը Իջման սեղանն է, Աստվածորդույն իջած տեղը. խաչ ու Ավետարան դրված են հոն. ուխտավորներ ծնրադիր կհամբուրեն զանոնք: Մեկուսի, կդիտեմ հավատացյալներու շարանը. ոմանք ծնրագնաց կմոտենան, ոմանք ձեռքերնին բազկատարած և աչքերնին գմբեթին հառած, իջնող լույսին բացած են իրենց հոգին: Ոմանք կարտասվեն, իսկ ոմանց դեմքին վրա ալ ժպիտը անպակաս է: Տարեցներ երեխաներու ձեռքն բռնած են: Ու այդ երեխաները, կզարմանամ, ի՛նչ աշխուժով կհամբուրեն խաչն ու Ավետարանը: Բազմութիւնը կհորդի. ոմանք կարգի սպասելու ժամանակ շունին, կհրմշտկեն, բայց իզուր. ու ճարահատ, սեղանին սլունքը համբուրելով կմեկնին: Ոմանք ոտաբոբիկ կմոտենան Սրբութիւն Սրբոցին:

Սքանչացած, կդիտեմ հայ ժողովուրդը, որ Ս. էջմիածնի Տաճարին մեջ կաղոթե, Սրբազան Խորհուրդով կհաղորդվի, իր հայրերուն հոգիովը կվերապրի:

Տե՛ր, Դուն անսասան պահե այդ հոգին, այդ ժողովուրդը, այդ Կաթողիկէն իր ալեզարգ Գահակալով:

